



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Eginhartvs De Vita Caroli Magni, Animadversionibvs
Illvstratvs**

**Bessel, Friedrich
Reinhard, Johann Friedrich**

Helmestadii, 1667

Animadversiones Ad Cap. XXVII.

urn:nbn:de:hbz:466:1-10996

bus munera missa. † Nec ille toto regni sui tempore quicquam duxit antiquius, quam ut urbs Roma suā operā suoque labore veteri polleret autoritate, & Ecclesia S. Petri non solum per illum tuta ac defensa, sed etiam suis opibus præ omnibus Ecclesiis esset ornata ac * ditata. † Quam cūm 4. tantipenderet, tamen intra **XLVII.** annorum, quibus regnaverat spatium, quater tantum illō votorum solvendorum ac supplicandi causa profectus est.

ANIMADVERSIONES AD CAP. XXVII.

Gratuitam liberalitatem, quam Græci eleemosynam vocant.] · Elegantissimè Græcam vocem expressit, quæ tamen tam frequens Christianis in Latio fuit, ut aliqui etiam originem Græcam ignorarint. Poëta after Saxo, sedulus Nostri Paraphrastes, etiam cum versus detimento, gratuitæ largitionis opus vocat lib. v. p. 492.

Ob hoc maximè transmarinorum Regum amicitiam expetens.) Eadem fere Monachus Gemblacensis Chronograph. ad ann. 790. Circa pauperes etiam sollicitus non solum (L. solum) in regno suo, verum etiam transmaria in Ægypto, in Syria, in Africâ, præcipue in Hierosolymis, liberalitate eleemosynarum Christianis pauperibus solatiabatur, transmarinorum Regum amicitias ob hoc expetens, maximè, ut Christianis sub eis degentibus esset relevatio. Secundariam causam alii hanc addunt, ut mercatura tutius exerceri posset. Itaque Alcuinus in Epistola quâdam apud Vilhelm. Malmesburiensem queritur, quod exorto inter Carolum & Offam Regem Merciorum dissidio, navigatio utrinque interdicta negociantibus esset.

Quater tantum illo votorum solvendorum ac supplicandi causâ profectus est.] Primum Romam pervenit Sabbatho Sanctæ Paschæ urloquitur Marianus Scotus ad ann. 774. lib. IIII. et. 6. post devictum Desiderium Longobardorum Regem. Et sic clare Adelmus ad an. dict. At Rex dimisso ad obsidionem atq[ue] expugnationem Ticini exercitu, orandi gratiâ Romam proficiscitur. Deinde ann. 782. cūm filius ejus Carolomannus ab Adriano baptizatus esset, ut iterum Marianus: vel an. 781, ut supra ostendimus. Sic enim Sigebert. ad an. 781. Carolus Rex orationis causâ Romam vadit, ibi q[ue] filii ejus unguntur in Reges. Tertio anno 786. cūm Beneventum aggredi statuisset. Sic enim Adelmus ad ann. 787. Rex adoratis Sanctorum Apostolorum liminibus, votisq[ue] solutis,

solus, Apostolicā benedictione perceptā, in Franciam reversus est. Quæ sic exponit Regino lib. II. ad eund. ann. Rex oratione ad limina Apostolorum complerā, & benedictione perceptā, in Franciam gressum dirigit: Denique quartā vice ad cognoscendam Leonis Pontificis causam ann. 809.

C A P U T XXVIII.

Vltimi adventūs sui non solum hæ fuere causæ, verūm etiam quod Romani Leonem Pontificem multis affectum injuriis, erutis videlicet oculis, linguaque amputata, fidem regis implorare compulerunt. † Idcirco Romam veniens, propter reparandum qui nimis conturbatus erat ecclesiæ statum, ibi totum * MS. ~~erat~~ hyemis tempus * protraxit, † Quo tempore Imperatoris ^{traxit.} * & Augusti nomen accepit: quod primò tantum aversatus est, ut affirmaret se eo die, quamvis præcipua * solennitas esset, Ecclesiam non intraturum fuisse, si Pontificis * MS. ~~sc.~~ consilium præscire potuisset. † Invidiam tamen suscepiti ^{stiritus.} nominis, Constantinopolitanis Imperatoribus super hoc indignantibus, magna tulit patientiâ, vicitque eorum conumaciam magnanimitate, quâ eis proculdubio longè præstantior erat, mittendo ad eos crebras legationes, & in epistolis fratres eos appellando.

ANIMADVERSIONES

AD CAP. XXVIII.

Quod Romani Leonem Pontificem multis affectum injuriis.) Hic verò plenis manibus fabulas nobis admetiuntur Veteres Historici. Regino Pruniensis lib. II. Chron. ad an. 799. Romani Leonem Papam Litaniā majorē captum, excacaverunt, ac linguam ejus radicitus abscederunt. Iisdem verbis utuntur Marianus Scotus & Ado Viennenſis ad eundem annum; qui omnes proculdubio Annales Monachi Egolitmenſis p. 260. exscripsere. Similiter Hermannus Contractus ad an. 798. & Lambert. Schaffhaburg. ad an. 799. oculos erutos ac linguam truncatam referunt. Nimium quantum exaggerat facinus, Sigebertus ad ann. 799. Leonem, inquit, papam celebritatem Litane majoris agentem Romanī capiunt, Linguam ei Oculosq; evellunt: cui voce & visu reddito divinitus, iterum oculos & linguam eruunt radicitus, qui de manu eorum erutus ad Carolum fugit.

N

Hec